



DEPUTACIÓN PROVINCIAL
OURENSE

SECRETARÍA

FRANCISCO CACHARRO GOSENDE, secretario xeral da Excm. Deputación Provincial de Ourense,

CERTIFICO: Que a Xunta de Goberno desta Excm. Deputación Provincial, adoptou, o **15 de xuño de 2012**, o seguinte acordo:

APROBACIÓN DE CONVENIO MARCO DE COLABORACIÓN ENTRE A DEPUTACIÓN PROVINCIAL DE OURENSE E OS CONCELLOS E OUTRAS ENTIDADES LOCAIS DA PROVINCIA PARA A PRESTACIÓN DE ASISTENCIA TÉCNICA EN MATERIA DE CUMPRIMENTO DO PLAN DE VIXILANCIA E CONTROL DOS VERTEDOIROIS CLAUSURADOS DE RESIDUOS SÓLIDOS URBANOS PARA OS EXERCICIOS 2012 E SEGUINTES

Con data 15 de abril de 2011, a Xunta de Goberno da Deputación Provincial de Ourense aprobou un convenio marco de colaboración cos concellos e mancomunidades da provincia para a prestación de asistencia técnica en materia de cumprimento do plan de vixilancia e control dos vertedoiros clausurados de residuos sólidos urbanos.

A positiva experiencia de xestión resultante do dito convenio marco aconsella o mantemento desta liña de colaboración cos concellos nos exercicios 2012 e seguintes, dándolle estabilidade no tempo mediante o outorgamento de vixencia indefinida a dito convenio marco, e introducindo as oportunas previsións sobre actualización automática dos prezos públicos previstos conforme ó IPC.

Polo exposto, e trala declaración de urxencia do asunto, ó non figurar na orde do día, a **Xunta de Goberno**, por unanimidade, **adopta** o seguinte **acordo**:

1º.- Aproba-lo convenio marco de colaboración entre a Deputación Provincial de Ourense e os concellos e outras entidades locais da provincia para a prestación de asistencia técnica en materia de cumprimento do plan de vixilancia e control dos vertedoiros clausurados de residuos sólidos urbanos para os exercicios 2012 e seguintes, conforme coas seguintes cláusulas:



DEPUTACIÓN PROVINCIAL
OURENSE

SECRETARÍA

1ª) Obxecto

Constitúe o obxecto deste convenio marco a regulación das condicións de prestación pola Deputación Provincial ós concellos ou outras entidades locais da provincia de asistencia técnica para o cumprimento do plan de vixilancia e control de vertedoiros de residuos sólidos urbanos clausurados, conforme co establecido para este tipo de instalacións pola Secretaría Xeral de Calidade e Avaliación Ambiental da Consellería de Medio Ambiente, Territorio e Infraestruturas.

O presente convenio adóptase en exercicio da competencia provincial para prestar asistencia e cooperación ós concellos e demais entidades locais en materia de servizos municipais, prevista no artigo 36.1.a) e b) da Lei 7/1985, do 2 de abril, reguladora das bases do réxime local, e da competencia municipal (xa se exerza polos concellos, xa se atope delegada nunha mancomunidade) para a xestión de vertedoiros de residuos sólidos urbanos, ó ter establecido ademais a Secretaría Xeral de Calidade e Avaliación Ambiental que é responsabilidade dos concellos o mantemento dos vertedoiros e o cumprimento do plan de vixilancia e control.

2ª) Condicións da prestación do servizo

A Deputación Provincial prestaralles ós concellos ou outras entidades locais adheridas ó presente convenio os seguintes servizos:

a) Realización das análíticas de lixiviado e emisións atmosféricas, mediante laboratorio debidamente acreditado, coas frecuencias indicadas no Plan de vixilancia e control ambiental aprobado pola Secretaría Xeral de Calidade e Avaliación Ambiental.

b) Realización das inspeccións periódicas mediante control visual dos elementos do vertedoiro para os que se esixe este control polo Plan de vixilancia e control ambiental aprobado pola Secretaría Xeral de Calidade e Avaliación Ambiental, coa frecuencia esixida no dito plan.

c) Elaboración do informe anual do Plan de vixilancia ambiental dos vertedoiros clausurados, co contido establecido pola Secretaría Xeral de Calidade e Avaliación Ambiental, abranguendo os seguintes aspectos:

c.1) Unha reportaxe fotográfica que reflicta a totalidade da superficie do vertedoiro e do estado no que se atopan cada un dos controis, indicando a data de toma das fotografías.



DEPUTACIÓN PROVINCIAL
OURENSE

SECRETARÍA

Esta reportaxe acompañarase dun plano no que se indique a localización dos puntos desde os que se tomaron as fotografías, así como os puntos de localización da toma de mostras para a realización de analíticas.

c.2) Resultado de analítica de lixiviado.

c.3) Resultado das medicións da composición de biogás.

c.4) Incidencias ocorridas nas instalacións que poidan influír nas condicións de estabilidade por acumulación de terras sobre a capa de cobertura do selado, e nas condicións de operación e tratamento das augas, na calidade dos vertidos ou na calidade do medio receptor, incluíndo ademais un resumo dos traballos de mantemento realizados polo concello ou mancomunidade.

Os servizos serán prestados pola Deputación Provincial a través da entidade Aquaourense, Sociedade Provincial de Augas e Medio Ambiente, SA, sociedade de capital mixto participada pola Deputación Provincial, na súa condición de concesionaria do servizo provincial de asistencia e cooperación con entidades locais en materia de servizos relacionados co ciclo hidráulico e o medio ambiente.

A prestación dos servizos iniciarase a partir do décimo día hábil posterior á data da entrada do acordo de adhesión no Rexistro Xeral da Deputación.

No suposto de concellos ou entidades locais adheridos no seu día ó convenio marco co mesmo obxecto aprobado pola Xunta de Goberno o 15 de abril de 2011, considerarase que se adhíren automaticamente ó presente convenio en tanto non manifesten o contrario.

3ª) Retribución económica

1. En contraprestación polo servizo prestado, a Deputación Provincial percibirá os prezos públicos que se indican no apartado seguinte, fixándose a través do presente convenio en virtude do disposto no artigo 6 da Ordenanza provincial reguladora dos prezos públicos pola prestación de servizos a concellos e outras entidades locais en materia de xestión de servizos relacionados co ciclo hidráulico, e ó abeiro da delegación efectuada polo Pleno da Deputación, mediante acordo de 24 de abril de 2009, a favor da Xunta de Goberno, conforme ó disposto no artigo 3 da mencionada ordenanza.



DEPUTACIÓN PROVINCIAL
OURENSE

SECRETARÍA

2. O prezo público anual será a suma resultante da aplicación dos prezos unitarios que se indican ás unidades de análises que efectivamente se realicen, ós que se engadirá o 6 % en concepto de beneficio industrial e gastos xerais, e o IVE correspondente.

Prezos unitarios:

Por cada análise de lixiviados referida a un punto de vertido: 499,11 euros.

Por cada análise de emisións atmosféricas referida a un foco de emisión: 351,51 euros.

Pola elaboración do informe: 689,04 euros

Para os exercicios 2013 e seguintes, os prezos indicados actualizaranse automaticamente conforme ó IPC.

3. Unha vez entregado o informe anual ó concello ou entidade local adherida, a Deputación Provincial procederá a formula-la oportuna liquidación, que será aprobada por resolución da Presidencia e notificada en forma legal ás entidades locais interesadas.

O aboamento deberá realizarse no prazo máximo de noventa días naturais desde a recepción da liquidación pola entidade local interesada. Transcorrido o dito prazo sen verificarse o pago, a Deputación quedará habilitada para exercer-las accións legais oportunas, incluída a compensación da débeda con cargo a calquera dereito de crédito opoñible á Deputación de que sexa titular a entidade local debedora.

4ª) Procedemento de adhesión ó convenio

Para a adhesión ó convenio, as entidades locais interesadas remitirán á Deputación Provincial o acto administrativo de adhesión, adoptado polo órgano en cada caso competente conforme co modelo que figura como anexo I. A adhesión ó convenio será eficaz desde a data de entrada do documento de adhesión no Rexistro Xeral da Deputación, sempre que se axuste ó contido do anexo I.

Non será precisa a realización de ningún acto de adhesión expresa para os concellos e entidades locais adheridos ó convenio marco co mesmo obxecto aprobado pola Xunta de Goberno desta Deputación o 15 de abril de 2011, entendéndose automaticamente adheridos ó presente convenio marco en tanto non manifesten o contrario.



5ª) Comisión de seguimento

Establécese unha comisión de seguimento do convenio con cada entidade asinante, que estará integrada polo xefe do Servizo de Augas e Medio Ambiente e un representante designado pola entidade local interesada. Actuará como secretario da comisión o secretario xeral da Deputación ou funcionario que legalmente o substitúa, coas funcións propias dun secretario de órgano colexiado conforme co establecido no Título II da Lei de réxime xurídico das administracións públicas e do procedemento administrativo común.

A comisión de seguimento reunirse a pedimento de calquera das partes integrantes, e as súas funcións serán as de seguimento da aplicación do convenio, interpretación e resolución de incidencias. No caso de non acadarse un acordo no seo da comisión, a Deputación Provincial resolverá unilateralmente e con carácter executivo o que proceda, sen prexuízo da posibilidade de impugnación deste acto administrativo pola entidade local interesada conforme ó sistema de recursos vixente no noso ordenamento xurídico.

6ª) Vixencia

O presente convenio producirá efectos a partir da data de adhesión das entidades locais interesadas, con carácter indefinido e ata a súa extinción conforme ó sinalado na cláusula seguinte.

7ª) Extinción do convenio

O presente convenio só poderá ser resolto pola baixa unilateral acordada polos concellos ou entidades locais adheridas ou polo incumprimento de obrigas convencionais esenciais. En ámbolos dous casos, a entidade interesada comunicará, cunha antelación mínima dun mes á súa data de efectividade, a súa decisión de resolve-lo convenio, que será executiva sen prexuízo da posibilidade da súa impugnación pola outra parte.

A liquidación dos convenios resoltos anticipadamente corresponderalle, en todo caso, á Deputación Provincial, mediante resolución da Presidencia adoptada trala audiencia previa da outra parte. Esta resolución será executiva, sen prexuízo da posibilidade da súa impugnación conforme co sistema de recursos legalmente aplicable.



DEPUTACIÓN PROVINCIAL
OURENSE

SECRETARÍA

8ª) Natureza e réxime xurídico

O presente convenio terá natureza administrativa, correspondéndolle á xurisdición contencioso- administrativa a resolución das controversias sobre a súa validez, eficacia, efectos e extinción.

9ª) Servizos prestados no primeiro semestre de 2012 como continuación do convenio marco de 15 de abril de 2011.

Os servizos prestados pola Deputación Provincial ós concellos ou mancomunidades da provincia no primeiro semestre de 2012, e como continuación do convenio marco do 15 de abril de 2011, liquidaranse conforme ós prezos do dito convenio.

Anexo I: Modelo da parte dispositiva da resolución ou acordo de adhesión ó convenio marco de colaboración para a prestación pola Deputación Provincial ós concellos ou mancomunidades da provincia do servizo de asistencia técnica en materia de cumprimento do plan de vixilancia e control ambiental de vertedoiros de residuos sólidos urbanos clausurados.

Aproba-la adhesión do Concello de... / Mancomunidade de... ó convenio marco de colaboración coa Deputación Provincial de Ourense para a prestación do servizo de asistencia técnica en materia de cumprimento do plan de vixilancia e control ambiental de vertedoiros de residuos sólidos urbanos clausurados para os exercicios 2012 e seguintes, de conformidade co clausulado aprobado pola Deputación Provincial de Ourense, asumindo as obrigas e compromisos que se recollen no dito convenio.

2º.- Dar conta do presente acordo, adoptado por razóns de urxencia, á comisión informativa de agricultura e medio ambiente na primeira sesión que celebre.

3º.- Remitírlle-lo dito convenio ás entidades locais da provincia, para os efectos de que procedan á súa adhesión e ordena-la súa publicación no BOP para xeral coñecemento.

E para que conste, e nos termos do artigo 206 do vixente ROF, expido a presente certificación en Ourense, o quince de xuño de dous mil doce.

V. e pr.

O PRESIDENTE,